



Մ Ա Յ Ր Ա Թ Ո Ռ Ո Ւ Մ

Հունիսի 20-ին, կիրակի, «Տօն Կաթուղիկէ Ս. Էջմիածնի»: Մայր Տաճարում սուրբ պատարագ մատուցեց հոգեշնորհ Տ. Մուշեղ վարդապետ Պետիկյանը, քարոզեց հոգեշնորհ Տ. Արսեն վարդապետ Բերբերյանը՝ «Ի վերայ Աշոյն և Էջմիածնի ամենայն ազգն Հայոց կապեալ կան» բնաբանով:

Հավարտ սուրբ պատարագի, կատարվեց հայրապետական մաղթանք:

**

Հունիսի 27-ին, կիրակի, Մայր Տաճարում պատարագեց հոգեշնորհ Տ. Արսեն վարդապետ Բերբերյանը:

**

Հուլիսի 4-ին, կիրակի, Մայր Տաճարում պատարագեց հոգեշնորհ Տ. Նարեկ վարդապետ Շաքարյանը:

**

Հուլիսի 6-ին, երեքշաբթի, Մայր Աթոռ վերադարձան գերաշնորհ Տ. Հուսիկ եպիսկոպոս Սանթրուկյանը և հոգեշնորհ Տ. Գևորգ վարդապետ Սերայդարյանը, որոնք ավելի քան մեկ ամիս ուղեկցում էին Վեհափառ Հայրապետին, նրա Ռումինիա և Բուլղարիա հովվապետական այցելության ընթացքին:

**

Հուլիսի 8-ին, հինգշաբթի, «Տօն սրբոց Թարգմանչացն մերոց Սահակայ և Մեսրոպ-բայ»:

Հանդիսավոր սուրբ պատարագի արարողությունը կատարվեց Օշականի Ս. Մեսրոպ Մաշտոց եկեղեցում: Պատարագեց և քարոզեց Արարատյան թեմի առաջնորդական փոխանորդ գերաշնորհ Տ. Վահան եպիսկոպոս Տերյանը:

Սուրբ պատարագի արարողությունից հետո, կատարվեց հոգեհանգստյան պաշտոն Վահան Ամատունի իշխանի շիրմի վրա:

**

Հուլիսի 11-ին, կիրակի, «Տօն գիտի տփոյ Ս. Աստուածածնի»: Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը:

**

Հուլիսի 18-ին, կիրակի, Մայր Տաճարում պատարագեց արժանապատիվ Տ. Հովհաննես քահանա Մարուքյանը, քարոզեց հոգեշնորհ Տ. Նարեկ վարդապետ Շաքարյանը՝ «Լաւ է մի պատառ համով խաղաղութեամբ, քան զտուն լի զենեօք և բարեօք թշնամութեամբ» բնաբանով:

**

Հուլիսի 25-ին, կիրակի, «Վարդավառ, պայծառակերպութիւն Տեառն մերոյ Յիսուսի Քրիստոսի»: Մայր Տաճարում հանդիսավոր սուրբ պատարագ մատուցեց և քարոզեց գերաշնորհ Տ. Հուսիկ եպիսկոպոս Սանթրուկյանը:

**

Հուլիսի 26-ին, երկուշաբթի, «Յիշատակ մեռելոց»: Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը:

**

Հուլիսի 31-ին, շաբաթ, Վեհափառ Հայրապետը մեկ ամսվա արձակուրդով մեկնեց Կիսլովոդսկ, «Կրասնի կամեն» առողջարանը: Վեհափառ Հայրապետին ընկերակցում է հոգեշնորհ Տ. Նարեկ վարդապետ Շաքարյանը:

**

Օգոստոսի 1-ին, կիրակի, Մայր Տաճարում պատարագեց հոգեշնորհ Տ. Մուշեղ վարդապետ Պետրիկյանը:

**

Օգոստոսի 8-ին, կիրակի, Մայր Տաճարում պատարագեց և քարոզեց հոգեշնորհ Տ. Գևորգ վարդապետ Սերայդարյանը, բնաբան ունենալով «Այսօր տօնեմք զյիշատակ սուրբ Հայրապետացն, որք լուսաւորեցին զհաւատոյ մանկունսն»:

**

Օգոստոսի 18-ին, կիրակի, «Վերափոխումն Ս. Աստուածածնի»: Մայր Տաճարում հանդիսավոր սուրբ պատարագ մատուցեց գերաշնորհ Տ. Հուսիկ եպիսկոպոս Սանթուրյանը:

Հավարտ սուրբ պատարագի, կատարվեց «Կարգ խաղող օրհնելոյ»:

**

Օգոստոսի 16-ին, երկուշաբթի, «Յիշատակ մեռելոց»: Մայր Տաճարում պատարագեց հոգեշնորհ Տ. Մուշեղ վարդապետ Պետրիկյանը:

**

Օգոստոսի 22-ին, կիրակի, Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը:

**

Օգոստոսի 27-ին, ուրբաթ, Կիսկովողսկում մեկ ամիս հանգստանալուց հետո, Մայր Աթոռ վերադարձավ Վեհափառ Հայրապետը, ընկերակցութեամբ հոգեշնորհ Տ. Նարեկ վարդապետ Շաքարյանի:

**

Օգոստոսի 29-ին, կիրակի, Մայր Տաճարում պատարագեց արժանապատիվ Տ. Հակոբ քահանա Հակոբյանը:

Սուրբ պատարագին ներկա էր Վեհափառ Հայրապետը:

**

Օգոստոսի 30-ին, երկուշաբթի, Վեհափառ Հայրապետին այցելեցին ֆրանսահայ մի խումբ տուրիստներ:

**

Սեպտեմբերի 2-ին, հինգշաբթի, Վեհափառ Հայրապետը Վեհարանում բարեհաճեց ընդունել Մայր Հայրենիքում գտնվող սփյուռքահայ ուսուցիչների խումբը:

**

Սեպտեմբերի 4-ին, շաբաթ, երկու տարի Միրֆիլդի (Անգլիա) աստվածաբանական կոլեջում իր ուսումը կատարելագործելուց հետո, Ս. Էջմիածին վերադարձավ Մայր Աթոռի միաբան հոգեշնորհ Տ. Ներսես վարդապետ Պողոսյանը:

Վեհափառ Հայրապետի բարեհաճ կարգադրութեամբ, հոգեշնորհ Տ. Ներսես վարդապետ Պողոսյանը ստանձնեց Ս. Էջմիածնի Հոգևոր Ճեմարանի տեսչի պաշտոնը:

**

Սեպտեմբերի 5-ին, կիրակի, Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը:

Սուրբ պատարագին ներկա էր Վեհափառ Հայրապետը:

